

**ESTABLEZIMENDU TURISTIKO HARTZAILEEN INKESTA. APARTAMENTU TURISTIKOAK ETA OROTARAKOAK. 2020KO OTSAILA**

## **Euskal AEko hotel, landa-ostatu eta apartamentu turistiko guztietako sarrerak % 15,2 igo ziren 2020ko otsailean**

### ***Apartamentu turistikoetan sarrerak % 20,3 igo ziren***

Hotelen, landa-ostatuen eta apartamentu turistikoen multzoan 218.552 sarrera erregistratu ziren 2020ko otsailean, hau da, % 15,2ko igoera izan zen aurreko urteko hilabete berarekin alderatuta, Eustatek egindako datuen arabera. Gogoratu behar da 2020a bisurtea dela eta, beraz, otsailak egun bat gehiago izan zuela. Bizkaian, Euskal AEko sarrera guztien % 47,7 biltzen dira, eta sarreraren batura % 15,9 handitu da. Gipuzkoan, Erkidegoko sarreraren % 38,9 metatzen dira, eta % 13,9ko igoera gertatu da. Araban, berriz, Euskal AEko sarreraren % 13,3rekin, % 16,6ko igoera gertatu da.

Aztertutako establezimendu guztien ostatu-gauak % 13,1 igo dira 2020ko otsailean, 2019ko otsailarekin alderatuta. Bizkaian gaualdiak % 11,4 igo dira, Araban % 13,4 eta Gipuzkoan % 15,1.

### **Gaualdiak eta sarrerak Euskal AEko hotel, landa ostatu eta apartamentuetan. 2020ko Otsaila**

|                  | Gaualdiak      |             | Sarrerak       |             |
|------------------|----------------|-------------|----------------|-------------|
|                  | 2020/02        | m/m-12 (%)  | 2020/02        | m/m-12 (%)  |
| <b>EUSKAL AE</b> | <b>406.314</b> | <b>13,1</b> | <b>218.552</b> | <b>15,2</b> |
| Araba/Álava      | 58.811         | 13,4        | 29.132         | 16,6        |
| Bizkaia          | 193.002        | 11,4        | 104.342        | 15,9        |
| Gipuzkoa         | 154.501        | 15,1        | 85.078         | 13,9        |

**Iturria: Eustat. Establezimendu turistiko hartzaileen inkesta**

### **Apartamentu turistikoak**

Euskal AEko apartamentu turistikoetan 19.331 ostatu-gau izan dira 2020ko otsailean, hau da, aurreko urteko otsailean baino % 2,5 gutxiago. Ostatu-gauak % 1,3 igo dira Bizkaian eta % 0,4 Araban; Gipuzkoan, berriz, % 9,1 jaitsi dira.

Euskal AEko apartamentu turistikoetako bidaiarien sarrerak 5.307 izan dira 2020ko otsailean, hau da, % 20,3ko igoera izan da aurreko urteko hilabete berarekin alderatuta. Sarrerak % 42,6 igo dira Gipuzkoan, % 29,4 Araban eta % 5,7 Bizkaian.

## Gaualdiak, sarrerak eta batez besteko egonaldia Euskal Aeko apartamentu turistikoetan. 2020ko Otsaila

|                    | Gaualdiak     |             | Sarrerak     |             | Batez besteko egonaldia |              |
|--------------------|---------------|-------------|--------------|-------------|-------------------------|--------------|
|                    | 2020/02       | m/m-12 (%)  | 2020/02      | m/m-12 (%)  | 2020/02                 | 2019/02      |
| <b>EUSKAL AE</b>   | <b>19.331</b> | <b>-2,5</b> | <b>5.307</b> | <b>20,3</b> | <b>3,64</b>             | <b>4,50</b>  |
| Estatukoak         | 13.958        | 11,7        | 3.986        | 27,4        | 3,50                    | 3,99         |
| Atzeritarrak       | 5.373         | -26,8       | 1.321        | 3,0         | 4,07                    | 5,72         |
| <b>ARABA/ÁLAVA</b> | <b>6.014</b>  | <b>0,4</b>  | <b>606</b>   | <b>29,4</b> | <b>9,93</b>             | <b>12,80</b> |
| Estatukoak         | 4.751         | 14,5        | 515          | 19,2        | 9,23                    | 9,60         |
| Atzeritarrak       | 1.263         | -31,3       | 91           | 152,3       | 13,91                   | 29,00        |
| <b>BIZKAIA</b>     | <b>7.111</b>  | <b>1,3</b>  | <b>2.639</b> | <b>5,7</b>  | <b>2,69</b>             | <b>2,81</b>  |
| Estatukoak         | 4.843         | -7,2        | 2.060        | 10,9        | 2,35                    | 2,81         |
| Atzeritarrak       | 2.267         | 26,2        | 579          | -9,5        | 3,92                    | 2,81         |
| <b>GIPUZKOA</b>    | <b>6.206</b>  | <b>-9,1</b> | <b>2.062</b> | <b>42,6</b> | <b>3,01</b>             | <b>4,72</b>  |
| Estatukoak         | 4.363         | 39,5        | 1.411        | 68,1        | 3,09                    | 3,73         |
| Atzeritarrak       | 1.842         | -50,2       | 651          | 7,3         | 2,83                    | 6,10         |

**Iturria: Eustat. Establezimendu turistiko hartzaileen inkesta**

Batez besteko egonaldiaren iraupena 3,64 egunekoa izan da otsailean, 2019ko otsailean batez beste izandako 4,50 egunen azpitik. Araban, iazko batez besteko 12,80 eguneko egonaldia izatetik aurtengo otsailean 9,93 egunekoa izatera igaro da; Bizkaian, 2,81 egunekoa izatetik 2,69 egunekoa izatera igaro da; eta Gipuzkoan batez besteko egonaldia jaitsi egin da 2019ko otsailean 4,72 egunekoa izatetik 2020ko otsailean 3,01 egunekoa izatera.

### Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prensa-zerbitzua: [servicioprensa@eustat.eus](mailto:servicioprensa@eustat.eus) Tlf: 945 01 75 62